



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 82. Idem Christianorum copiis Varnæ obviam progressus

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

arte possent Christianæ classis impetum evitare, dum in angustias Hellesponti pervenissent, ab ipsis non amplius classem inventam, quoniam vehementissimo vento de repente exorto pulsa alio fuisset, sicque Turcarum copias remoto ulteriori obice facile trajecisse. Æneas Sylvius in quadam epistola ad Episcopum Papiensem scripta narrat, quosdam asserere, Turcarum Imperatorem copias suas Genuensium navibus transvexisse: se tamen hujus facti veritatem fide sua testatam nolle, nec sibi persuaderi posse, Genuenses tanta tamque indigna avaritia correptos, ut Christianorum sanguinem pecunia vendere præsumerent, nisi, subjungit idem Scriptor, eos diabolus, sicut Judam Iscariotem sibi subjecerit.

Sæcul. XV.  
A. C. 1444.

Æn. Sylv.  
epist. 18.

§. LXXXII.

*Amurates Christianorum copiis Varnæ  
obviam progressus.*

Sed utut hæc sint, id certum est, Amurates, sic penetratis Hellesponti fau-  
cibus, magnis itineribus obviam Christi-  
anæ processisse, eisque apud Varnam  
Mæsiæ inferioris urbem ad Pontum Eu-  
xinum occurrisse, hostemque ad pugnam  
provocasse. Ladislaus Rex, quamvis in  
sinistro crure vomica laboraret, nihilomi-  
nus ingenti pugnandi aviditate flagrabat,  
nec

Naucter. ge-  
ner. 49.  
p. 465.

Sæcul. XV.  
A. C. 1444.

nec ejus impetum retardabat Julianus Cardinalis, qui securius fore censebat, si Christianorum castra prope montem fossa, & vallo munirentur, donec hostium vires exploratæ, ac perspectæ fuissent, certusque nuntius de classe, & Græcis haberetur: Plures quoque alii in Cardinalis sententiam abierunt. Ex adverso tamen Huniades & Georgius Despota replicabant, sibi plusquam satis compertas esse Turcarum vires, quibus solemne esset copiarum suarum numerum plus justo extollere, nec inde Hungaris, quorum virtus universo Orbi abunde comprobata foret, quidquam timendum, etiam si Sultani potentia adversus eos confurgeret. Prævalente utriusque hujus Ducis temerario prorsus consilio, postridie in aciem descendere statutum est. Verum cum uterque exercitus propius concurreret, Huniades tam insolido hostium numero conterritus, Regi Ladislao, ut certaminis discrimen declinare, ac sese recipere vellet, auctor extitit. Huic Rex in responsis dedit, sera nimis ejus esse consilia, satius fore virili fortitudine incertæ pugnæ periculum facere, quam certo dedecore infamem fugam arripere, simulque eidem fastuosos ipsius sermones, quibus pridie jactabundus uno hiatu Turcas devorare videbatur, concitatore animo exprobrabat, omnesque arma

ma sumere, atque ad proelium paratos esse jubebat. Commissa igitur eidem Huniadi aciei, ordinumque dispositione, non nisi octodecim, vel, ut quidam volunt, viginti millia Christianorum numerata fuere, Turcarum copiis ad sexaginta & amplius, vel etiam juxta quorundam Scriptorum fidem, ad centum millia ascendentibus, initumque est proelium decima die Novembris in vigilia Sancti Martini.

Sæcul. XV.  
A. C. 1444.

§. LXXXIII.

*Prælium Varnense inter Christianos  
et Turcas.*

Ergo non minori fortitudine, quam diuturna pugnantium pertinacia utrinque commissum est proelium. Vix prima Christianorum acies obvia quæque Turcarum perruperat, cum Amurates sinistro hoc facto conterritus, confestim fugam arripere, arenaque excedere constituit, quem tamen officiales sui fugientem, arrepto equi freno cohibuerunt, mortem minitati, ni abjecta vecordia strenue ad pugnam rediret. Restaurato igitur proelio, & furore utrinque animi ardorem acuate, diu ancipiti Marte pugnatum est, victoria nunc ad Christianos, nunc ad Turcas inclinante, tandem vero Ottomanis accessit, ubi & Christiani

*Nauclet. gener. 49.  
p. 466.*

*Hist. Eccles. Tom. XXVIII. G stiani*